



বলেছিল যে কোনও দিন চলে আসতে পারে। সত্যি সত্যি যে আসবে কে জানত। দেবাদিত্যের ডাকাডাকিতে রান্নাঘর থেকে দৌড়ে এসে আমি একেবারে হাঁ। ঠিক দেখছি তো? আমারই ঘরে আমারই সোফায় বসে আছে শৈবাল! হ্যাঁ শৈবালই। মুখে সেই চিরন্তন কলগেট মার্কা হাসি, -- কী রে, চমকে গেলি তো?

-- তা তো গেছিই। বিশ্বাস হচ্ছে না, কিছুতেই বিশ্বাস হচ্ছে না।

-- ওভাবে দেখছিস কী? আমি রে আমিই। তোর সেই গ্রেট হিরো।

কথার ছিঁড়ি দ্যাখো! দেবাদিত্য রয়েছে না সামনে।

তা দেবাদিত্য অবশ্য নির্বিকার। উলটে হ্যা হ্যা করে হাসছে।

-- আরে কী কান্ড ! এত বড় খবর তো জানতাম না ?

-- সে কী রে ? বরের কাছে আমার কথা নেমালুম চেপে গেছিস ?

-- ইশ্ ! জোর করে হেসে উঠলাম এবার -- কী আমার উঃমকুমার ছিলেন রে যে সবাইকে ওঁর কথা বলতে হবে !

-- যাহ। আমি উঃম হলে তোকে তো সুচিঞা সেন হতে হয়। তোর অত গ্যামার ছিল না। ছিল কি ?

শৈবালের সঙ্গে দেবাদিত্যও জোরে হেসে উঠল। মুখটা কেমন বোকা বোকা হয়ে গেল আমার। হাসি তো পাচ্ছেই না, বরং প্রশ্ন জাগছে মনে। কেন এল শৈবাল ? শুধু আমার পেছনে লাগতে ? বিয়ে বাড়িতে সেদিন বলেছিল বটে আমার ঘর সংসার দেখতে আসবে। ঠিকানাও নিয়েছিল। তবে...

ওদের হাসির মাঝেই বলে উঠলাম এবার, -- যাক গে, ফাজলামি ছাড়ো। ...কী খাবে বলো এখন ? চা ? সরবত ? কফি ?

-- চা ফা তো হবেই। তার আগে একটু জল খাওয়া।

-- শুধু জল খাবে ? একটু সরবত করে দিই ?

-- দিবি ? দে। বেত না আসা পর্যন্ত কানমলাই চলুক।

সঙ্গে সঙ্গে আমি ঘর ছেড়ে সোজা ডাইনিং স্পেসে। ফ্রিজের ডালা খুলে দাঁড়িয়ে রইলাম একটু ক্ষণ। কেমন যেন একটা নিশ্বাসের কষ্ট হচ্ছে, গলা শুকিয়ে মরলুমি। ঠান্ডাজলের বোতল খুলে ঢকঢক ঢাললাম গলায়। কেন এমন হচ্ছে ? এতদিন পরেও ? কোনও মানে হয় ?

তুলতুলির বিয়ের দিনও ঠিক এরকমটাই হয়েছিল। সবে তখন উপহার তুলে দিচ্ছি তুলতুলির হাতে, মালা এসে একটান, -- এই, এদিকে আয়, এদিকে আয়।

-- কেন ?

-- আয় না আগে। ছোড়দাভাই তোকে কখন থেকে খুঁজছে।

ছোড়দাভাই শব্দটাতে এখনও এত যাদু আছে কে জানত ! চার বছর পরেও শিরদাঁড়া বেয়ে হিমস্রোত, -- শৈবালদা এসেছে নাকি ? কবে এল ?

-- কাল। হঠাৎই। আমরা তো ভেবেছিলাম তুলতুলির বিয়েতেও বোধহয় আসতে পারল না। আমার বিয়েতে তো পারেনি জানিসই।

জানি তো। অনেক দূরে উড়ে গেলে ফেরা যে বড় কঠিন।

মালা আবার টানল, -- চল চল। ছোড়দাভাই আসার পর থেকেই বার বার তোর খোঁজ করছে। তুই কেমন আছিস, বিয়েতে আজ আসবি কি না...। বলতে বলতে মালা চোখ পাকাচ্ছে, -- কেসটা কী বল তো ? ছোড়দাভায়ের সঙ্গে তোর কোনও ব্যাপার স্যাপার ছিল নাকি ? গভীর... ? গোপন... ?

-- থাকলে তুই জানতে পারতিস না ?

এ ছাড়া আর কীই বা বলতে পারতাম মালাকে ? গোপনীয়তা কিছু থাকলেও সে যে শুধু আমারই। সম্পূর্ণ নিজস্ব। কাউকে বলা যাবে না। ভালবাসায় হেরে যাওয়ার মত লজ্জা কি আর কিছুতে আছে ?



নিজেকে প্রকাশ করতে না পারার যন্ত্রণা বোধ হয় আরও বেশি কষ্টের। আমি জানি।

তবু অবশ্য চেষ্টা একবার করেছিলাম। শৈবালের মত। শৈবালের নিউ ইয়র্ক যাওয়ার তারিখ তখন একেবারে কাছে, ঠিক দু দিন পরে।

শৈবালের কাছে সোজাসুজি চলে গিয়েছিলাম, -- তুমি তাহলে সত্যি চলে যাচ্ছ ?

-- কেন, তোর এখনও সন্দেহ আছে নাকি ?

-- তা নয়, চলেই যাবে ?

-- ইউনিভার্সিটি স্কলারশিপটা যখন পাইয়েই দিল...যুরে আসি।

-- একা একা তোমার ওখানে খুব খারাপ লাগবে, দেখো।

অল্প সময়ের জন্য হলেও একটু যেন উদাস হয়েছিল শৈবাল। মুহূর্তের জন্য স্থির হয়ে গিয়েছিল সময়। বাস, ওই টুকুনই। তারপরই দুনিয়া ওড়ানো হাসি, -- যাওয়াটা তাহলে ক্যানসেল করে দিই, কী বল ?

-- আমি কী তাই বলছি ? নিশ্বাস চেপে বলে ফেলেছিলাম, -- নটকের গ্রুপ তো ভেঙেই যেতে বসেছে। আমিও হয়তো চলে যাব...

-- তুই কোথায় যাবি ? বলেই বুঝি মনে পড়ে গেছে শৈবালের। ওমনি হই হই করে উঠেছে, -- ও গড, তোর তো বিয়ের কথা চলছে ! মালা বলা ছিল বটে। কত দূর পাকল রে ব্যাপারটা ? ডেট ফাইনাল হয়ে গেলে কিন্তু জনাস আমায়। আসতে না পারি, শুভেচ্ছা তো পাঠাতে পারব।

এর পর আর কত নির্ভাজ হওয়া যায় ? প্রাণপনে শুধু নিজেকে ধরে রাখার চেষ্টা করেছি, কিছুতেই যেন কেঁদে না ফেলি।

কান্নাটা কি তবে এখনও জমে আছে বুকে ? গলার কাছে এত বাষ্প জমেছে কেন ? গ্লাসে জল ঢেলেও স্কোয়াস দিতে ভুলে গেছি। বাইরের ঘর থেকে ভেকে ভেকে সাদা না পেয়ে দেবাদিত্য যে পাশে এসে দাঁড়িয়েছে সে ঈশও নেই আমার।

-- কী হল, সববত দিতে এত দেরি ?

দেবাদিত্যর মুখে বিস্ময় ? নাকি সন্দেহ ? তাতাতাতি গুছিয়ে নিলাম নিজেকে, -- দ্যাখো না, কী বিশ্রী ব্যাপার ! কৌটো খুলে দেখি চিনি নেই। কী করি বলো তো ?

দেবাদিত্য বিশ্বাস করল কিনা কে জানে ! ভুরু কুঁচকে তাকিয়েছে, -- এনে দেব ?

-- দরকার নেই। তুমি বরং ততক্ষণ কথা চালিয়ে যাও, আমি চট করে পেইন্টের দরজা দিয়ে কল্পনাদির কাছ থেকে...

চিমির বাটি হাতে টেবিলের কাছে ফিরেও হাঁপাচ্ছি। ছি ছি, আর একটু হলেই দেবাদিত্যর কাছে ধরা পড়ে যেতাম। কী ভাবত আমায় দেবাদিত্য ? তুং, এ ধরনের যুক্তিহীন আবেগের এখন আর কোনও অর্থই হয় না। সুখী সংসার আমার। নিরুদ্বেগ। সুন্দর। কোথাও ফাঁকি নেই এখানে। দেবাদিত্যের সঙ্গে সম্পর্কেও না। আর একজনও এসে যাচ্ছে শিগগিরিই। মাস খানেক আগে তার আসার সূচনা হয়েছে আমার শরীরে। আমি তাকে প্রতি পলে অনুভব করি।

সববত নিয়ে যাওয়ার আগে আটপোড়ে শাড়ির আঁচলখানা ভাল করে সাজিয়ে নিলাম কাঁধে, হাত দিয়ে

সাপটে নিলাম মুখ। আর যেন একটুও অগোছালো না দেখায়।

শৈবাল যথারীতি জমিয়ে গল্প করে চলেছে দেবাদিত্যর সঙ্গে, -- দিন সাতেক আছি আর। আসলে কামিং উইকে মুম্বাইতে একটা ইন্টারভিউ আছে...

-- তার মানে ওদেশে আপনি সেটল করছেন না?

-- মাথা খারাপ! দেশ ইজ দেশ। এখানে না ফিরে...

-- হ্যাঁ হ্যাঁ, এবার এসে একটা বিয়ে থা করে ফ্যালো। ঝটপট হাসি ঝুলিয়ে নিলাম ঠোঁটে, আমরা বেশ পাত পেড়ে নেমন্তন্ন খাব...

-- দাঁড়া দাঁড়া, তোর বিয়ের খাওয়াটা খাওয়া আগে।

-- এনি ডে। এসো। কবে খাবে বলো?

-- ওরেকাস, এক গ্লাস সরবত খাওয়াতে যা করলি... পাক্সা আধ ঘন্টা! খেতে ভেঁকে হয়তো...

-- না মানে... আসলে কী হয়েছে জানেন তো? দেবাদিত্য সহসা ঔৎসুকতার ভূমিকায়। বউয়ের দোষ ঢাকতে চাইছে, -- বাড়িতে চিনি ছিল না।

-- সো হোয়াট? তোর আঙুলটা একবার ডুবিয়ে দিলেই পারতিস।

-- উফ, শৈবালনা তুমি না...। কপট ভাঁজ অনলানাম ভুরুতে, -- নাও, খেয়ে নাও।

-- দরকার নেই। তোর বর প্লেন জলে আমার তেঁস্তা মিটিয়ে দিয়েছে।

অর্থাৎ আমি যখন চিনি আনতে গেছি, দেবাদিত্য আবার ভেতরে ঢুকেছিল? রান্না ঘরে গিয়ে চিনির কৌটো খুলে দেখিনি তো? দেখলেও এখন আর কিছু করার নেই।

অস্বস্তি চাপা দিতে কথা ঘোরালাম, -- তারপর কী খবর বলো? মালা শুম্বরবাড়ি ফিরে গেছে?

-- এই তো কালই গেল। শৈবাল সরবত শেষ করে সিগারেট ধরিয়েছে। চোখ ঘুরিয়ে ঘুরিয়ে দেখছে চারদিকটা। বলল, -- তুইও তো বেশ চুড়িয়ে সংসার করছিস।

তাড়াতাড়ি চোখ বোলালাম ঘরটায়। এখনও ঝাড়পোঁছ হয়নি, -- সেন্টার টেবিলে সকালের চায়ের দাগ, টিউব লাইটের কোণে পাতলা ঝুল, বইয়ের র্যাকে ঝুলো। রীতিমত এলোমেলো হয়ে আছে সব কিছু। ইশ, শৈবাল আজ আসবে জানলে একটু সাজিয়ে গুছিয়ে রাখা যেত।

দেবাদিত্য আর শৈবাল আবার গল্পে মেতেছে। আমেরিকা থেকে রাজনীতি ঘুরে ভারতে এল। বিল ক্লিন্টন থেকে অটলবিহারী। আবার ঘুরে পোল্যান্ড, জার্মানি, রাশিয়ায়। ওদের বিশ্ণু পরিচেন্দ্রমায় মাঝে মাঝে ফুট কাটছি আমিও। পেট্রোলিয়াম সমস্যা নিয়ে বেশ খানিক মতামতও দিয়ে ফেললাম। সেন্সে শান্ত হয়ে আসছে মনটা। শৈবালের আকস্মিক আগমনও সঙ্গে যাচ্ছে।

এক সময় দেবাদিত্যই দেশ বিদেশ ছেড়ে দুম করে ঘরে ফিরে এল, -- এই, তুমি বসে বসে গল্পই করে যাচ্ছ? শৈবালবাবুকে কিছু খাওয়াবে টাওয়ারে না?

অপ্রস্তুত মুখে বললাম, -- শৈবালদাকে না খাইয়ে ছাড়ব নাকি? আজ দুপুরে এখানেই খেতে হবে। না হয়



আমার পাল্লায় পড়ে দুপুরের খাওয়া আজ সন্ধ্যাবেলাই...

-- ওরে বাবা। কথা পুরো শেষ হওয়ার আগেই শৈবাল মাথা ঝাঁকচ্ছে, -- বউদি আজ দুপুরে হেভি আরেঞ্জমেন্ট করেছে। ওটা মিস করে এখানে রিস্ক নিতে আমি মোটেই রাজি নই।

ব্যস হয়ে গেল। বলার ধরনই এমন যেন শেষ রায় দেওয়ার অধিকার শুধু ওরই, তার ওপর কোনও আপিল চলবে না।

দেবাদিত্য তবু গৃহকর্তার সৌজন্য দেখিয়েই চলেছে, -- ওসব বললে তো চলবে না। কিছু তো খেতেই হবে, প্রথম দিন এসেছেন...

-- সুদে বাড়ুক না। পরে একদিন উত্তুল করা যাবে।

-- তা কী করে হয়? আপনি বরং ওর সঙ্গে কথা টথা বলুন আমি এক্ষুনি...

দেবাদিত্য উঠে পড়েছে। কী কান্ড, সত্যি সত্যি সেরোবে নাকি? আমাকে একা ফেলে? একটু আগের সহজ ভাব পলকে উধাও। দেবাদিত্য কি ইচ্ছে করে...

ঝটিতে উঠে দাঁড়িয়েছি, -- দোকানে যাওয়ার দরকার কী? বাড়িতে যা আছে...। শৈবালদা, ওমলেট খাবে? কিমা দিয়ে করে দিতে পারি। কথা দিচ্ছি সাড়ে পাঁচ মিনিটে বানিয়ে দেব।

-- আরে, তোরা হঠাৎ ব্যস্ত হয়ে পড়লি কেন? এক কাজ কর, ভাল করে এক কাপ চা খাইয়ে দে।

-- শুধু চা? নো, চলবে না। দেবাদিত্যও খাওয়াবেই, -- একে শুষুরবাড়ির লোক, তার ওপর বৌয়ের হিরো। নিজের মুণ্ডুটা তো বাঁচাতে হবে, না কী?

বলতে বলতে দেবাদিত্য শৌওয়ার ঘরে। মানিবাগ নেবে।

দেবাদিত্য বেরিয়ে যাবার পর একদম স্বাভাবিক থাকার চেষ্টা করছি। সহজ গলায় জিজ্ঞেস করলাম, -- শুনলাম তুমি ওখানে রিসার্চটাও শেষ করো নি? চাকরিতে ঢুকে...

-- বা রে, রোজগারপাতি করতে হবে না?

-- তা ওখান থেকে চলেই বা আসতে চাইছ কেন?

-- বললাম যে, আর ওখানে ভাল লাগছে না।

-- কেন?

শৈবাল উত্তর দিল না। নতুন সিগারেট ধরিয়ে হেলান দিয়েছে সোফায়।

একটু যেন অন্যমনস্ক হঠাৎ। আমার বুকটা ঢিপ ঢিপ করে উঠল। শৈবালদার ওই উদাস উদাস মুখ চুম্বকের মত টানছে। এক্ষুনি কি আমার পালিয়ে যাওয়া দরকার? এখান থেকে?

শশব্যস্ত মুখে বললাম, -- শৈবালদা, এক সেকেন্ড। চায়ের জলটা বসিয়ে আসি। ভেতরে যাওয়ার জন্য পা বাড়িয়েছি, পিছনে এক অপরিচিত স্বর, -- দাঁড়া।

খোলা জানলা দিয়ে ফাল্গুনের বাতাস আসছে, ঘরের পর্দাগুলো দুলে উঠল। দেলনার মত। বাইরের

প্রখর আলো ঘরে ঢুকে মৃদু জ্যোতি। শৈবাল সম্পূর্ণ বদলে গেছে।

হাসার চেষ্টা করলাম অলগা, -- কিছু বলছ ?

-- এদিকে আয়। তোর সঙ্গে আমার একটা কথা আছে।

এমন তো হওয়ার কথা ছিল না! ওই স্থির তাকিয়ে থাকা মুখও যে আমার একদম অচেনা।

-- কী হল ? আয় এখানে এসে বোস।

শৈবাল নয় যেন সাপুড়ের বাঁশি ডাকছে আমাকে। সব কেমন ওলোট পালোট হয়ে গেল। মন্ত্রমুগ্ধের মত শৈবালের দিকে এগিয়ে চলেছি। এগোনো, না পিছোনো ? চতুর্দিক অবস্থা হয়ে এল। বিশুসংসার, দেবাদিত্য, গর্ভের সন্তান, সব।

-- একটা কথা জিজ্ঞেস করব, সত্যি কথা বলবি ?

-- কী কথা ? আমার গলা দুলে গেল।

-- কথাটা আমার জানা খুব দরকার রে। চার বছর ধরে কথাটা আমার উন্মাদের মত তাড়া করে চলেছে। শৈবালেরও গলা কাঁপছে, -- বল, সত্যি বলবি ?

আমার চোখ বিবশ। পলক ফেলতেও ভুলে গেছি।

-- তুই কি আমাকে কোনও দিন কিছু বলতে চেয়েছিলি ? ঠিক করে বল তো ? বিদেশে গিয়েও আমার সারাক্ষণ খালি তোর কথা মনে পড়ে কেন ?

শরীরের সমস্ত রোমকূপ যেন খুলে গেল আচমকা। লক্ষ সরোদ বেজে উঠল শিরায় উপশিরায়। আজ শৈবাল এত দিন পর...সেই শৈবাল...।

শৈবালের দীর্ঘ সুঠাম দেহ ঝুঁকে আছে আমার দিকে। নিম্পলক দৃষ্টি আমাতেই স্থির। চেতনা ঝেঁমে অবশ হয়ে আসছে আমার। সম্মিতে ফিরতে পৃথিবীর বয়স বুঝি বেড়ে গেল কয়েক হাজার বছর। অথবা কয়েক মুহূর্ত।

ধীরে ধীরে মাথা নাড়লাম। প্রবল ভূমিকম্পের পর মেদিনী যেন শান্ত হচ্ছে। গলাটাকে প্রাণপণে অকম্পিত রেখে বললাম, -- না তো শৈবালদা। সে ভাবে তো কিছু বলতে চাই নি কখনও। তোমার কেন মনে হয় ও কথা ?

সমুদ্রে মেঘের ছায়া পড়েই মিলিয়ে গেল। আবার সেখানে উচ্ছল ঢেউ। স্থলিত মুহূর্তটাকে কী অবলীলায় যে চেঁড়য়ে ভাসিয়ে দিল শৈবাল। বুঝলই না সমস্ত কথারই একটা নির্দিষ্ট সময় থাকে, সময় চলে গেলে সে কথার মৃত্যু হয়। আমার সেই কথাটাও তো করেই মরে গেছে। যা আছে সে তো শুধুই স্মৃতি। স্মৃতিই। তাকে আর বাস্তব করে কী লাভ ?

শৈবাল আবার আগের মতই হাসছে, -- এত কাঁপছিস কেন বোকা ? তোর সঙ্গে তো একটু ঠাট্টা করছিলাম।

আমার চার বছর আগের সব স্বপ্নই তো ঠাট্টা এখন। মাগো, দেবাদিত্য কেন এখনও ফিরছে না ? এক্ষুনি আসুক। এই মুহূর্তেই। নতুন করে আর কোনও প্রলয় ঘটর আগে। তার তো এবার আমার কাছে ফিরে আসা উচিত। নয় কি ?